

戎政典第二百六十八卷

千盾部彙考

書經 牧誓

比爾干

蔡傳 干楯也楯則並以扞敵故言比

費誓

敵乃干

蔡傳 敵鄭氏云猶繫也王肅云敵楯當有紛繫之也

詩經 秦風小戎

龍盾之合

朱注 盾干也畫龍於盾合而載之以爲車上之衛必載二者備破毀也

蒙伐有苑

傳 蒙討羽也伐中干也苑大貌箋 蒙麾也討雜也畫雜羽之文於伐故曰麾伐正義 上言

龍盾是畫龍於盾則知蒙伐是畫物于伐故以蒙爲討羽謂畫雜鳥之羽以爲盾飾也夏官司兵掌五盾各辨其等以待軍事注云五盾十櫓之屬其名未盡聞也言辨其等則盾有大小襄十年左傳說狄虎彌建大車之輪而蒙之以甲以爲櫓櫓是大盾故以伐爲中干干伐皆盾之別名也

蒙爲雜色知苑是文貌

周禮 夏官

司兵掌五兵五盾各辨其物與其等以待軍事

訂義

王昭禹曰五盾則授兵舞者之盾貳車之盾乘

車之盾旅賁虎士之盾藩盾凡五 李嘉會曰兵有五宜也盾亦有五者先王害人之意少而自衛之意多故有五兵必有五盾

司戈盾下士二人府一人史二人徒四人 黃氏曰司兵掌五兵五盾戈盾用稍多故別設官其實司兵之支屬

掌戈盾之物而頒之 鄭鍔曰盾干也用以自衛也如書云敵乃干詩云龍盾之合蒙伐有苑伐中干也又云干戈戚揚五兵之用長以衛短則人持其一矣盾則夫人有之書云比爾千千欲其比則夫人有之可知矣司兵掌五盾又是司戈盾之官者蓋司兵掌辨之司戈盾正掌其物而頒之祭祀授旅賁戈故士戈盾授舞者兵亦如之 鄭康成曰故士王族故士與旅賁當事則衛王 鄭鍔曰舞者執戈盾未嘗執戈所謂亦如者亦如授故士以戈盾也

軍旅會同授貳車戈盾建乘車之戈盾授旅賁及虎士戈盾 鄭康成曰乘車王所乘車也軍旅則革路會同則金路 鄭鍔曰貳車言授則授之於其人貳車所以衛王故必人自執之乘車所以爲節故特建之於車較及輿也 劉執中曰旅賁夾王車左右而虎士趨王車後先舍則守王閑則戈與戈盾戒備之尤急者也非其有屏蔽之用乎

及舍設藩盾行則斂之 鄭康成曰舍止也藩盾盾可以藩衛者如今之扶蘇與 鄭鍔曰王之所舍設樅桓再重以爲藩又於樅桓之外設藩盾欲以爲衛故行則斂而藏之言授言建言設皆不同知五盾各異用故也

方言 雜釋

盾自闕而東或謂之嚴或謂之干闕西謂之盾

釋名 釋兵

盾遽也跪其後避以隱遽也大而平者曰吳魁本出於吳爲魁帥者所持也隆者曰須盾本出於蜀須所持也或曰羌盾言出於羌也約脇而鄒者曰陷鹵言可以陷破鹵敵也今謂之曰露見是也狹

而長者曰步盾步兵所持與刀相配者也狹而短者曰子盾車上所持者也子小稱也以縫編板謂之木絡以犀皮作之曰犀盾以木作之曰木盾皆因所用爲名也

彭排彭旁也在旁排敵禦攻也

天工開物 干

凡干戈名最古干與戈相連得名者後世戰卒短兵馳騎者更用之蓋右手執短刀則左手執干以蔽敵矢古者車戰之上則有專司執干併抵同人之受矢者若雙手執長戈與持戟槩則無所用之也凡干長不過三尺杞柳織成尺徑圈置於項下上出五寸亦銳其端下則輕竿可執若盾名中干則步卒所持以蔽矢并拒槩者俗所謂傍牌是也

武備志

牌

腰刀標鎗梭鎗附

茅子曰牌之制其來尙矣武經載牌二一曰步其式長一曰騎其式圓然騎用牌非利器近世南兵率用圓牌而間之以腰刀先之以標鎗亦一奇也苗人用木牌先王父嘗以其制告胡襄懋近世朝鮮人以牌而間鳥銃皆可法也其梭鎗者出武經

步兵旁牌圖


正



裏



騎兵旁牌圖



旁牌圖說

右並以木爲質以革束而堅之步兵牌長可蔽身內施鎗木倚立於地騎兵牌正圓施於馬射左臂繫之以捍飛矢

手牌圖



手牌圖說

手牌宜用白楊木或輕松木爲之取其輕而堅也每面長五尺七寸闊一尺上下兩頭比中間闊三四分俱小尺

燕尾牌圖



燕尾牌圖說

燕尾牌廣中狼柳之兵用之其長與手牌相似但闊不滿尺背如鯽魚故側身前逼雖當和刃而不能斷其體輕故運如鳥翼而一切矢石皆可避以柁木桐木爲之


捱牌圖



捱牌圖說

捱牌亦用白楊木爲之每面長五尺闊一尺五寸上頭比下略小四五分俱小尺用繩索及木橄欖挽之

藤牌圖



藤牌圖說

老粗藤如指用之爲骨藤篾纏聯中心突向外內空庶箭入不及手腕也週簷高出雖矢至不能滑泄及人內以藤爲上下二環以容手肱執持

腰刀圖



腰刀圖說

腰刀造法鐵要多煉刃用純鋼自背起用平剗平削至刃刃芒平磨無肩乃利妙尤在尖近時匠役將刃打厚不肯用工平磨止用側銼橫出芒兩下有肩砍入不深刃芒一禿卽爲頑鐵矣此當辨之刀要與手相輕柄要短形要彎庶宛轉牌下不爲所碍蓋就牌勢也

標鎗圖



標鎗圖說

或用稠木細竹皆可鐵鋒要重大柄前重後輕前粗後細爲得法

梭鎗圖



梭鎗圖說

梭鎗長數尺本出南方蠻獠用之一手持旁牌一手標以擲人數十步內中者皆踣以其如梭之擲故云梭鎗亦曰飛鎗

干盾部藝文

盾銘

漢李尤

吳旂魯殿戎兵特頒進則避刃爰以衛軀

干盾部紀事

國語桓公問曰齊國寡甲兵爲之若何管子曰輕過而移諸甲兵桓公曰爲之若何管子對曰輕罪贖一盾一戟

左傳昭公二十六年師及齊師戰於炊鼻齊子淵捷從洩聲子射之中楯瓦繇胸汰輈匕入者三寸

注楯瓦楯脊胸車輈輈車輈匕矢鏃也

史記項羽傳沛公從百餘騎見項王項王卽日留沛公與飲范增起出召項莊請以劍舞因擊沛公樊噲卽帶劍擁盾入軍門交戟之衛士欲止不內樊噲側其盾以撞衛士仆地噲遂入

後漢書逢萌傳萌字子慶北海都昌人也家貧給事縣爲亭長時尉行過亭萌候迎拜謁旣而擲楯歎曰大丈夫安能爲人役哉遂去之長安學通春秋經時王莽殺其子宇萌謂友人曰三綱絕矣不

去禍將及人卽解冠掛東都城門歸將家屬浮海客於遼東

袁紹傳紹討公孫瓚先令麴義領精兵八百强弩千張以爲前登瓚輕其兵少縱騎騰之義兵伏楯下一時同發瓚軍大敗 袁紹與曹操官度合戰操軍不利復還堅壁紹爲高櫓起土山射營中皆蒙楯而行

世說魏武征袁本初治裝餘有數十斤竹片咸長數寸衆並謂不堪用正合燒除太祖意甚惜思所以用之謂可以爲竹甲楯而未顯其言馳使以問楊主簿德祖應聲答與帝正同衆伏其辯悟

魏略曰鮑出遊俠興平中三輔亂出母爲賊所略出攘臂結衽獨持盾追之行數里及賊殺數十餘人賊乃解母還

吳書魯肅少有壯節好爲奇計中州擾亂命其屬三百餘徙江東州追騎至肅植盾引弓射之矢皆洞貫騎度不能制乃相率還

吳志孫皓傳天紀四年沈瑩領丹陽銳卒刀楯五千號曰青巾兵前後屢陷堅陣於是以馳淮南軍三衝不動退引亂薛勝蔣班因其亂而乘之吳軍以次土崩將帥不能止

晉記吳軍師張悌帥衆一二萬濟江與討吳護軍張翰揚州刺史周陵成陣相對沈瑩領丹陽銳卒刀盾五千號青巾兵屢陷堅陣

異苑河南褚裒字季野將北伐軍士忽同時唱言可各持兩楯復相謂曰一人爲用兩楯爲及敗北拋戈棄甲兩手各持一楯蒙首而奔
元晏春秋云皇甫謐年十七未通經史編荆爲盾執枝爲

戈

宋書宗越傳越南陽葉人也爲隊主蠻有爲寇盜者常使越討伐往輒有功家貧無以市馬刀楯步出單身挺戰衆莫能當每一捷郡將輒賞錢五千因此得買馬

宋略寧朔將軍益州刺史劉豪少工刀楯勇冠三軍

宋書宗室長沙景王傳長沙景王子義融歷侍左衛軍領太子中庶子五兵尚書領軍有質幹善於用短楯

孔覲傳齊王率軍東討與張永劉亮杜幼文沈懷明於晉陵九里西結營劉亮果勁便刀楯朝士先不相悉上亦弗聞唯尚書左丞徐爰知之白太宗稱其驍敢至是每戰以刀楯直盪往輒陷決張永